



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hiervsalem Nova

Mosham, Ruprecht von

[Köln], 1540

VD16 M 6428

Der Erst staffel.

urn:nbn:de:hbz:466:1-36780

HIERUSALEM NOVA.

vnd staffel fürgetragen vnd geleeret/ wie wir vns selbst
sollen proben vnd prüfen/ ob wir doch den rechten würck-
lichen vnd krefftigen glauben haben oder nicht.

Volgen vier grad vnd staffel/da

durch wir den rechten/ warhafftigen glau-
ben anfenglich lernen/fassen vnd
ergreifen/sollen vnd müssen.

¶ Der Erst staffel.

Dweil es darn alles an dem ainigen glauben
allain gelegen/ vnd nur aines ronnöten ist/
Darauff vnd daher setze vnd leere ich an-
fenglich vnd zum vördersten/was massen vnd gestale
man den allmechtigen/allwürckenden glauben soll er-
obern vnd erlangen/durch vier staffel. Erstlich sollen
vnd müssen wir bestendiglich glauben/ vnd nicht zwey-
feln/das wir von natur alle vnglaubig geboren werden/
vnd aus vns selbst/vnd aus allem vnserm höchsten ver-
mögen nicht glauben/ noch den rechten glauben vberko-
men mögen/als wenig als wir von vns selbst gen hymel
auffsteigen vnd faren/ oder vns selbst beschaffen vnd wir-
dergebenen mögen/ Das ist nun also die erkennnus sein

Das neww Hierusalem /

selbst / der erst zütrit vnd staffel zu der hymnlichen gödeli-
chen weyßheit vnd Theology / das wir wissen vnd glau-
ben / das wir für vns selbs vnd aus vns selbs nicht glau-
ben mögen / vnd derhalben gegen dem wort / gegen den
gebotten vnd beuelch gottes / von natur vngheorsam /
vnd zu allen gödelichen dingen vntüchsig vnd vnuermöge-
lich sein / Also das wir aus vns selbs on die hilf vnd ges-
nad gottes nicht allain niches thün / sonnder auch niches
gedencken mögen / wie Christus selbs zeuget / Jo. am xv.
vnd der Apostel in der ij. Corinth. ij.

¶ Der Ander staffel.

¶ Der ander staffel vnd grad ist / dyweil wir aus
vnsfern eignen krefft / vnd höchsten vermögen aller
vnsrer vernunft nicht glauben / oder dem wort vnd ges-
pö Gottes nicht gehorsam sein mögen / danne wir zum
anndern bestendiglich glauben / vnd nicht zweyffeln / das
wir dysse allmechtige / gödeliche krafft des glaubens / allain
von Got durch Christum haben vnd erlangen sollen
vnd müssen.

¶ Der Dritte staffel.

¶ Der dritte staffel vnd grad aber / ainen rechten /
bestendigen / wirkenden Abrahams glauben züberko-

3